

КАНОН БОГОРОДИЦЕ БОГОЛЮБСКИЙ

Празднуем 1 июня по новому стилю.

Тропарь, глас 4-й.

Боголюбíвая Царíце, Máти Марíе Богорóдице,
Máти Христá Бóга нáшего. Неизглагóланным дéвством и
чистотóю Ты есý Пречíстая, превéчнаго Бóга возлюбí
Едíнаго от Святýя Тróицы, в ложеснá своја над всéми
сúщаго Бóга, óт Духа Свýта приýт. И родилá есý
превéчнаго Сýна, Бóга прéжде век от Отцá рождéнаго,
на свобождéние от тмý смéртныя человéчю рóду, пáдшим
востáние, мéртвым воскресéние. О! Máти Госпожé
Боголюбíвая. Царíце неискусомúжная Девíце, молí за
ны возлюбíвшаго. И рóждьшагося из Тебé Сýна Твоегó
Христá Бóга нáшего. Подáти нам оставléние прегрешéнии
нáших. Цéрквам благолéпие мýру умирéние. Благоплóдие
и изобíлие землý. Правослáвным людем зdráвие и
наслéдствие. На врагí же побéду и одолéние дáруй, иерéом
же и человéчю рóду спасéние. Грáды нáши и страны
христиýnsкия, от нахождéния иноплемéнных Máти
Боголюбíвая заступí. И междуусóбныя бráни укротí, и
мир умирí. О! Свящéнная Царíце, О! Máти Боголюбíвая
Девíце Всепéтая. Рýзою своéю покрýй нас от всякаго
зла, и от вíдимых и невíдимых враг защитí. И спасí
душá нáша (*дважды*), Слава, и ныне (*той же*).

от бед избави нас, един наше заступи, и спаси нас, о Дева, Погодите Госпожу, Спаси нас от грешного мира.

КАНОН, глас 4-й.

Песнь I, ирмос: Отвéру устá моя и напóлняться Дúха,
и слóво отрыгну Царíце Máтери, и явлюся свéто
торжествúя, и воспою ráдуясь Тóя чудесá.

Запев: Пресвятáя Госпожé Богорóдице, услýши
молítву раб Свойх, молящихся Тебé (*поклон*).

Благоговéют Ти Богорóдице áнгелом начáльницы, и
святых собóри чéстно слúжат, прáведнии красу́ются. Князь
же Андрéй мóлится Госпожé. И грáд Владíмир похваляется
Тя свéто, но и мы грéшнии мýлости прóсим. Озарí нáша
сердцá. Боголюбíвая Пресвятáя Дéво Богорóдице.
Восpéти песнь святýя Твоей иконы Боголюбíвая.

Запев. Князь же Андрéй вопияше со слезáми, Пресвятáя
Царíце Богорóдице, уповáние християнóм, умолí Сына
Твоегó Христá Бóга нáшего, и не дошéд грáда Ростóва,
извóли в предéлех владíмирских страны обýтель Твою
слáвно создáти, вó имя Своé Боголюбíвая.

Слава. Приидéте соберýтесь христоименýтии людие,
умы тáйно очýстившеся, притецéм в цéрковь Máтере
Христá Бóга нáшего, в боголюбíвое място владíмирских
страны, явйт бо нам мýлость Свою, яко богоприятно
селéние вýдяще.

И ныне. Под кróв Твой Богорóдице Дéво, прибегáем
вси рóди человéчествии. Просветý място Твоé
Боголюбíвая, торжествá Твоегó, и мы грéшнии рабý Твой
молáщеся пречýстей иконе, прося́ще от Тебé прийти
велíкия мýлости.

Катавасия: Спасí от бéд рабы Свой, Богорóдице Дéво,

я́ко всíй по Бозе к Тебé прибегáем, я́ко к нерушíмей стенé и заступлéнию (*поклон*). Гóсподи помíлуй (*трижды с пок.*)

Песнь 3, ирмос. Твоя́ певцы́ Богорóдице, живýи нетléния истóчниче, лíк себé совокúпльши духóвен утвердý, и в божéственней Ти слáве, венцéм слáвы сподóби.

Запев. Застúпнице и покróв гráду Владíмиру. И всýкому гráду и странé, бúди нам помóщница, и тишинá Боголюбýвая. Всéх нас заступí Госпожé Царýце Богорóдице. И во всýких злых méстех véрныя сохрани.

Запев. Приимí хвалú от úст на́ших недостóйных, О! Пресвятáя Богорóдице Дéво Боголюбýвая. Надéждо на́ша и похвалó, поқлоня́емся Твоемú образу чþдному (*поклон*), мольбú приимí о рабéх Свойx.

Слава. Пречíстей рýце Свой Царýце Богорóдице, мíлостивно воздежí к Сýну Своемú и Бóгу нашему. Прося́щи отпущéния согрешéнии на́ших, испráви. И всýкия благодáти и мíлости сподóби.

И ныне. Пресвятáя Богорóдице Дéво Боголюбýвая, сохрани раб Свойx от всýкия сопротíвныя сýлы. Избáви всýкия напáсти, и ráдость мíру сотворí душéвную и телéсную, и прéзри нам вся согрешéния.

Катавасия. Слава, и ныне.

Седален, глас 2-й. Молíтвеница téплая кúпно и стенá необорíмая, мíлости истóчниче, мýрови прибéжище, прилéжно Ти вопиéм, Богорóдице Владýчице, предварí от бéд избáвити нас, едýна всkóре заступáющи.

Песнь 4, ирмос. Седяи во слáве на Престóле божéственне, на óблаце лéгце, прийде Исýс Пребожéственный, от Пречíстыя Дéвы, спасé же вопиоúшиа, слáва Христé сíле Твоéй.

Запев. Евáнгелия Христóва богогла́сныи списáтель Лукá, написá óбраз Твой чудéсныи всенепорóчная Влады́чице, и Младéнца Ти превéчного на рукý Твоéю вообразíв, к Немú же притекáющия напáстей и бед избавляеши.

Запев. О! Пресвятáя Дéво Боголюбíвая, извóливши изýти из грéческия страны и доитý до святáго мяста. Кня́зь же Андрéй моляся Тебé со слезáми, Пресвятáя Дéво Богорóдице, изба́ви нас от всяких бед и скорбéй.

Слава. На Тý уповáние возложíхом Боголюбíвая Ма́ти Дéво, предстáтельницу Тя животá твéрду и непоколебíму стяжáхом. И молí о наc рабéх Свойх Всещéдраго Бóга.

И ныне. Ты еси похвалó и венéц святýм всем, вси на Тý надéжду возложíхом, и Тебé мóлимся Боголюбíвая Царýце Ма́ти Бóжия помóшнице грéшным, и спасéние рабóм Твойм. **Катавасия.**

Песнь 5, ирмос. Удивíшася всяческая, о божéственней слáве Твоéй, Ты бо браконеискусíмая Девíице, прийт во утрóбе надо всéми Бóга, и родилá еси безлéтнаго Сына, всéм воспевáющим Тя мíр подавáюща.

Запев. Всяко място Пресвятáя Дéво Богорóдице, своéю мíлостию просвещáеши, гráду же Владíмиру, и всякому гráду и мяstu боголюбíвому вели́кая похвалá и

утвержéние, и в бедáх скóрая помóшница.

Запев. Проповéдаётся преслáвно вели́кая Твойá лáвра, яже Тобóю начáло приýмши, Бóжия Máти Боголюбíвая, хвáлят и величáют чþдныи Твой óбраз и глагóлют, утвердí Гóсподи град наш и обýтель Свою.

Слава. Приспé днесь пámять Твойá княже Andréé. Ráдуется и до днéсь преслáвныи град Владíмир и боголюбíвое място красу́ется. Пресвятáя Дéво, спасí нас и избáви всякия нúжды и печáли.

И ныне. Марíе златáя кадíльнице, страсти пágубныя от нас отжени, и утвердí нас непоколебíмых, Пресвятáя Дéво Боголюбíвая. Не ýмамы бо иных помóшницы, ráзве Тебé Владýчице. **Катавасия.**

Песнь 6, ирмос. Божéственое сé и всечестнóе совершающе прáзднество, богомúдрении Бóжия Máтере, приидите рукáми восплéщем, от Ней рóждьшагося вéрою слáвящe.

Запев. Се Тебé Царýце божéственныеи архángел глагóля, Царя всех и Бóга провозвестíвши пришéствие Боголюбíвая. Извóли в боголюбíвом мясте обýтель сохраняти. И сподóби нас пéти Тебé чýстыми сердцы.

Запев. Не ужасáйся княже Andréé, удивíся глагóлющему, вíдевши óбраз Пресвятýя Богорóдицы, от грéческия страны изýти, не извóли доитý гráда Ростóва. Но дóйде до святáго мяста. Князь же Андрéй со слезáми вопияше. О! Всемílostивая, молý Сына Своегó и Бóга нашего.

Слава. Восплéщем рукáми, и восклíкнем глáсом

хвалéния Гóсподеви, сé бо во́истину приíде, и явíся óбраз
Пречíстая Дéвы Богорóдицы Боголюбíвья, вся озаряя
вérных божéственnoю своéю икóною.

И ныне. Храм освящéн Тя всенепорóчная вéмы,
пребезначáльного бо слóво плóтию родилá есý. Ѝже
безсловéсия мир избáвльшаго от напáстей Твойми
мáтерьими молýтвами.

Катавасия. Слава, и ныне.

Кондак, глас 8-й. Дéво и Máти Боголюбíвая
Царíце, неискусобрáчная Богорóдице Владíчице
Марíе, христиáнская застúпница, мýлостивая
ходáтайца, к Сыну Своемú и Бóгу нашему за нý рабы
Твой. Ты бо Госпожé Царíце богоизбрáнная Отроковíце,
по умолéнию благовéрного кня́зя Андрéя, извóлила семú
пречíодному óбразу Своемú, от страны грéческия
цárствующаго грáда изыти, и явíти мýлость Свою в
новопросвещéнныя люди рýсския землý, и не извóли
достíгнути óбраз Твой честныи грáда Ростóва, и возлюбí
себé място в предéлех страны владíмирския, и сугúбо
невíдим óбраз Твой честныи, на путí отходя, и пáки
являяся тámоже, и возлюбí себé място, идéже нýне
обýтель ýмени Твоегó святáго, Боголюбíвая Máти. Ко
всéй странé рýсстей мýлость и помошь, и исцелéние
подаéши, с вéрою приходя́щим. Яко о Тебé Богорóдице
всá твáрь ráдуется.

Икос. Áнгел предстáтель с небесé послан бысть
рещí Богорóдице, ráдуися. И со бесплóтым глáсом
воплоща́ема Тя зря Гóсподи, ужасáшеся и стоя́ше,

зовыи к Ней таковáя: ráдуися Е́я же ráди ráдость возсияет, ráдуися Е́я же ráди клятва исчéзнет. Рáдуися пáдшаго Ада́ма востáние, ráдуися слез Éввин избавлéние, ráдуися высотó неудóбъ восходíмая человéческими помыслы, ráдуися глубинó неудóбъ зрымая и áнгельскими очýма. Рáдуися яже еси Царéво седáлище, ráдуися яко нóсиши носящаго всяческая. Рáдуися Звездó являющая Сóлнце, ráдуися утрóбо божéственаго воплощéния. Рáдуися Е́я же ráди обновляется тварь, ráдуися Е́я же ráди поклоняемся Творцу (*поклон земной*), ráдуися Невéсто Неневéстная.

Песнь 7, ирмос. Непослужиша твáри богомúдрении, пáче Зиждýтеля: но óгненное прещéние мýжески попráвше, ráдовахуся поýще, препéтыи ýже отцém Госпóдь и Бóг благословéн еси.

Запев. Боголýбному житио первоначáльник и настáвник, князь Андрéй был еси, и молéбно подвизáвся к пречýдному образу Бóжия Мáтере светлéйши бо сóлнца возсия пречестnáя икона Пресвятýя Богорóдицы, но Тогó молý спастися нам.

Запев. Херувýм и серафýм превýшши явíлася еси Богорóдице. Ты бо еси едýнаго приýла еси невместýмago Бóга во утрóбе Твоéй, извóли доитý боголюбýваго мяста. Мы же рабý Твой вси вéрнии пéсньми Тя ублажáем.

Слава. О! Пресвятáя Госпожé Дéво Богорóдице, Мáти Христá Бóга нашего, мóжеши бо помóшница нам быти. Понесóша чýодныи Твой óбраз во грáд

Ростóв, но Ты Боголюбíвая Владычице посетí нас, и не остави яко самá вéси с вéрою приходя́щих к Тебé.

И ныне. Приступí к чудотвóрному óбразу Боголюбíвья Мáтере, великий князь Андрéй. Рúце свой взéмши отцú своему не явí. Яко чудéсно из вýше грáда посетí място боголюбíвое. **Катавасия.**

Песнь 8, ирмос. Отроки благочестíвья в пеши, рожество Богорóдиче спаслó есть. Тогдá úбо образúемо, ныне же дéйствуемо, вселéнную всíо воздвиже пéти, Гóспода воспевáйте дéла, и превозносíте Егó вó веки.

Запев. Приимí молéние наше Пресвятáя Госпожé Богорóдице, сохрани и заступí от всякого зла, твойм честnым óбразом Боголюбíвая. Тя бо ýмамы молéбницу тéплу, стéну нерушíму, и покróв твéрдыи, землí нашея великая похвалá и утвержéние (*дважд*).

Слава. Рáдуемся душéю, и веселíмся сéрдцем, взирáюще на óбраз Твой Пресвятáя Богорóдице Боголюбíвая, имúщи Тя держáву непобедíму, утвержéние непоколебíмо, надéжду и уповáние, и душám нашим спасéние.

И ныне. Помóшница в скóрбех и в напáстех и бедáх, и в темníцах избавлéние, на врагí в рáтех заступлéние, Богоотроковице Чýстая, избавлéние всем человéком и похвалó, и грáду нашemu великое утвержéние.

Катавасия.

Песнь 9, ирмос. Всяк зéмен да взыгрáется Дúхом просвещáем, да ликовств úет же бесплотных умóв естествó, почитáя святóе торжество Бóжия Мáтере, и да

поёт, радуйся преблажённая, Богородице Чистая присно Дево.

Запев (поклон). Се Тебé Пречистая Царыце Боголюбивая посылается с небесé Гаврийл архангел Царя всех и Бóга, провозвести пришествие, возгласи Тебé, радуися Обрадованная Господь с Тобою.

Запев. Радуися Мати Дево, радуися приятилище Бóжие, радуися свещнице свёта, Адáмово возвáние, и Еввино избавлéние, горá святáя и преславная.

Слава. Ты еси похвало християном Владычице, Ты оружие на враги, и Стенá, к Тебé прибегающим. Тя и ныне на помощь призываём Госпожé Царыце Богородице, освятí и сохрани правовéрных люди Твой Боголюбивая.

И ныне. О! Всемилостивая християном помо́щица, не может Тя воспéти достойно ум человéческий и ангельский. Яко всей твари честнейши; небесных и земных славнейши, всех бо родилá еси Творца и Бóга. Но О! Владычице, приеми милостивно, юже Тебé от сердца возложихом песнь. Спасай нас всегда, на Тя бо надеемся. **Катавасия.**

Задостойник: Владычице приеми (*стр. 7*).

Трисвятое, и по Отче наш. Молитва Иисусова.

Тропарь: Боголюбивая Царыце... (*стр. 391*).

Слава, и ныне – кондак: Дево и Мати Боголюбивая... (*стр. 396*).

Господи помилуй (*40 раз, три поклона*).

Слава, и ныне.

Молитва первая.

Запев: Пресвятая Госпожé Богородице, услыши молитву раб Своих, молящихся Тебé (*поклон*).

Надéже всем концéм землí, Ты Пречíстая Дéво
Госпожé Богорóдице моé утешéние, не гнушáйся менé
сквérнаго, надéюбояся Твоей мíлости. Угасí ми плáмень
грехóвныи, и оросí покаянием изсóхшее ми сéрдце.
Очисти ум мой от грехóвных пóмысл. Примí совозды-
хáнием от души и óт сердца, мольбú Ти приносяща. Бúди
мне ходáтайца к Сыну Своему и Бóгу, и укротí ярость
Его Мáтерьими си молýтвами. Душéвныя ми и телéсныя
áзвы исцелí. Госпожé Владýчице облегчí болéзнь, утиши
бúри злых нападéния. От имí бréмя грехóв мойх, и не
остáви менé до концá погýбнути. Ты бо еси возведéние
человéческому рóду, в печáли скóрая помóщница. Мáти
íстинная Христá Бóга нашего, помозí мне грéшному рабу
Твоему (*имя рек*), всегdá и нýне и прýсно, и вó веки векóм,
амíнь (*поклон земной*).

Молитва вторая.

Запев: Пресвятáя Госпожé Богорóдице, услýши
молýтву раб Свойх, молящихся Тебé (*поклон*).

Приимí О! Всеблагословéнная всемóщная,
Пречíстая Богородítельнице Дéво, печáльныя сий
молýтвы со слезáми Тебé нýне от наc недостóйных
раб Твойх, к Твоему цельбонóсному óбразу пéния
возсылáющих со умилéнием. Яко Тебé самóй ту
сúщей, послúшающей молéния наша, и подающи с вéрою
просяющим, коемúждо прошéнию исполнéние. Скорбящим
скóрби облегчевáеши. Немощным зdráвие дáруеши,
разслáбленныея и недúжныя исцеляеши. От бéсных
бéсы прогоняеши, обýдимыя от бéд избавляеши.

И наси́луемыя спаса́еши, грёшныя прощáеши.
Прокажéнныя очища́еши, и ма́лых детéй ми́луеши, и
неплóдныя от неплóдства разрешáеши. Ещé же Госпожé
Влады́чице, от úз и темníц свобожда́еши, и вся́кия стра́сти
разли́чныя уврачúеши. Всýко возмóжна ходáтайством
Твойм к Сы́ну Твоему Христу Бóгу на́шему. Но О! Всепéтая
Мáти Пречíстая Богорóдице, непрестáй молýся о на́с
недостóйных рабéх Твойх слáвящих Тя и почитáющих. И
поклоняющиxся Пречíстому óбразу Твоему (*поклон*). И
надéжду имúщих невозбрáнну, и вéру несумéнну к Тебé
прíсно Дéве: преслáвней и непорóчней Влады́чице,
слáвящих и чтúщих и пою́щих Тя вó веки векóм, амíнь
(*поклон земной*).

Отпуст: Гóсподи Исýсе Христé Сы́не Бóжии,
молýтв ráди Пречíстыя Т्�воєя Мáтере, честnáго и
слáвного явле́ния чудотвóрныя ико́ны Ея Богóлюбского,
и всéх ráди святых, помíлуй и спасí на́с, яко Блág и
Человеколюбец. Амíнь.

Гóсподи помíлуй (*трижды*). Исходные поклоны.

